



04.10.2022

UKA2022/23

Jens Napätôk, Naleraq

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaattut siunnersuut. (Akitsuummik atorunnaarsitsineq, naalagaaffiillu pisortaasa pisortatigoortumik tikeraarnerannut il.il. atatillugu qamutit motoorillit eqqunneqarneranni akitsuummik atorunnaarsitsineq)

(Aningaasaqarnermut Naligiissitaanermullu Naalakkersuisoq)

Siullermeerneqarnera:

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut Naalakkersuisut sinnerlugit Aningaasaqarnermut Naligiissitaanermullu Naalakkersuisup saqqummiusnaanut imatut Naleqqamiit oqaaseqateqassaagut.

Siunnersuummi pingaarnertut immikkoortut siunnersuutigineqartut tassaavoq siullertut kaffinik, tiinik timmissanillu nioqqutissanik eqqussuinermi akitsuutip atorunnaarsinneqarnera ataavartunngortinneqassasoq.

Nioqqutissat taamaattunut akitsuutinik atorunnaarsitsineq aningaasanut inatsisissamut 2022-imi isumaqartigiinniarnermi qaqinneqarmat uagut Naleqqamiit tamakkiisumik tapersorsimavarput nalunginnatigu nioqqutissat akitsoriartuinnartunut tamanna innuttaasunut isertitakitsunut atugassarititaasunut inuunerannut oqinnerulernissaanik aqputissat ilagigaat.

Ukiorpasuunngitsuni akitsuutit eqqussorneqarsimapput tamakkulu innuttaasut taamatut kaarsarfii-niit aalleqattaarsimanerit annertooujussuarmik sunniuteqarlutik annertuumik innuttaasunut inuuniarnerannut sakkortuumik imaannaanngitsumillu sunniuteqapiluuteqarsimapput, taamaammallu taamatut innuttaasut kaarsarfii-nik aallerttualersimaneq Naleqqammit qinigaaffiup siulianiilli sakkortoorujussuarmik qaqittaarsimavarput taamatut killeqanngiusattumik innutttaasut kaarsarfiaaniit aalleqattaqqittuarneq annertuallaarujussuarmik innuttaasut inuuniarnerannut innarliival-laarujussuarmat.



Taamaammallu kaffinik, tiinik timmissanillu nioqqutissanik eqqussuinermi akitsuutip atorunnaarsinneqarnera inatsisitigut ataavartunngorlugu atuutsinnissaa uani qaqqinneqartoq Naleqqamiit siunnerfigisimasanut naapertuuttutut isigalutigu apeqqusinngilluinnarlugu tapersorsorsatigut oqaatigissavarput, taamatullu innuttaasunut artukkeeqisut akitsuutit ataavartumik annikillisarnissaanik siunnerfeqarsimaneq ingerlatseqqinneqassanersoq Naleqqamiit pissangatigaarput, neriorsuutaasimasut ilumut piviusunngortinneqassanersut imaluunnit Naalakkersuisooqatigiit allangoqqinnerat ilutigalugu tamanna qimaqqinneqareernersoq assut pissangatigaarput, neriuutigeqaarpulli akitsuutinik annikillisaaniarluni siunnerfeqarsimaneq Naalakkersuisooqatigiilersut allannngortinnagu ingelatseqqissagaat.

Taamatullu siunnersuutigineqarpoq qamutit motoorillit akitsuuserneqartussaataasut (biilit il.il.) qallunaat nunaanniit, nunaniluunniit allani oqartussat naalagaaffik sinnerlugu tikeraarnerannut il.il. atatillugu atornissaannut eqqunneqartut, eqqussuinermi akitsuuserneqartannnginnissaanik siunnersuut.

Nuna allamiunut sooruna akitsuusersuisassanngitsumik aqqqissuussiinnartugut nunaqavissut sooruna kisimik akilersuisussatut isumalluutigineqartut? Taakku tikeraartussat akileerusunnatik nalunaarnikuugamiik? Nunatsinni mittarfissualiortitsinermi sulisut ilaannakkuusumik akileraarti-taapput nunaqavissullu tamakkiisumik akileraartitaallutik.

Inatsit tamanut atuunniarli tamarmik assigiimmik akitsuutinik akiliisarniarlik tamanna aamma pilluteqaqataanermi inissisimaffiuvoq.

Inatsisartut Inatsisaat nr. 23, 18. november 2019-imersoq tikeraartussaagaluartunut innarliinikuugami? Kikkut tikiingitsoorneranik kinguneqarnikuugami § 2 immikkoortoq tallimaat pillugu taamatut apeqqusiivugut.

§ 3 arlaleriarlugu allanneqarsimasoq aqqqinneqarnissaa pissusissamisoortutut isigaarput, kisiannili aningaasaatilissuit akissaqareersut nunatsinni attartoratik nammineq tikiussillutik akitsuuserneqartannnginnissaat uagut Naleqqamiit apeqquserujussuarparput.

Taamatut Naleqqamiit oqaaseqarluta Anigaasaqarneramut akileraartarnermullu ataatsimiititaliami siunnersuutit suliaassanngortillugit ingerlatseqqippagut.